



# KEV PAB RAU KEV PUAS TSUAJ

Khoos Kas Pab Rau Qoob Loo Tsis Muaj Is Saws Las Raug Puas Tsujaj

## Cov Ntsiab Lus Qhib

Khoos Kas Pab Rau Qoob Loo Tsis Muaj Is Saws Las Raug Puas Tsujaj (Noninsured Crop Disaster Assistance Program, NAP) raug tswj los ntawm Tsoom Fwv Meskas Lub Tsev Hauj Lwm Saib Xyuas Kev Ua Liaj Ua Teb (U.S. Department of Agriculture, USDA) Lub Tsev Hauj Lwm Saib Xyuas Kev Ua Qoob Loo (Farm Service Agency, FSA), los muab nyiaj pab rau cov neeg ua qoob loo ntawm cov qoob loo uas tsis muaj is saws las los mus tiv thaiv tej kev puas tsujaj uas ua rau tau qoob loo tsawg los sis ua rau qoob puas, los sis ua rau tsis tau cog qoob loo rau.

## Leej Twg Thiaj Li Tsim Nyog Raug Pab?

### Cov Neeg Ua Qoob Loo Uas Tsim Nyog Raug Pab

Ib tug neeg ua qoob loo uas tsim nyog raug pab mas yog ib tug tswv av, neeg xauj av los sis tus neeg koom ua qoob loo uas tau koom kev phom sij nrog kev ua ib hom qoob loo uas tsim tsim raug pab thiab muaj cai yog ib tug tswv uas koom nrog hom qoob loo ntawd. Ib tug neeg los sis ib lub chaw uas khwv tau nyiaj tag nrho (AGI) tsis tshaj \$900,000 ces thiaj li tsim nyog raug rau cov nyiaj pab ntawm NAP. Thiab, NAP cov nyiaj them uas tau txais, ncaj qha los sis tsis ncaj qha los ntawd, mas yuav nce raws li ntawm tus neeg los sis lub chaw ntawd thiab yuav tsis pub tshaj \$125,000 toj ib xyoo ua qoob loo, toj ib tug neeg twg los sis toj ib lub chaw twg rau cov qoob loo raws li qhov kev duav roos (kev puas tsujaj loj). Ib qho nyiaj pab them ntawm NAP uas tau txais ncaj qha los sis tsis ncaj qha los ntawm cov qoob loo uas muaj kev duav roos ntxiv (yuav nqi siab), mas yuav nce raws li ntawm tus neeg los sis lub chaw ntawd thiab yuav tsis pub tshaj \$300,000 toj ib xyoo ua qoob loo, toj ib tug neeg twg los sis toj ib lub chaw twg. (Xav paub ntau ntxiv, ces mus saib hauv [fsa.usda.gov/limits](https://fsa.usda.gov/limits).)

### Cov Qoob Loo Uas Tsim Nyog Raug Pab

Cov qoob loo uas tsim nyog raug pab yuav tsum yog hom khoom qoob loo cog muag uas tsis muaj is saws las hom qoob loo ntawd thiab yog ib ntawm cov qoob loo xws li nram qab no:

- Cov qoob loo ua khoom noj;
- Cov qoob loo cog tu tsiaj noj, xws li tej noob qoob loo los sis tej zaub nyuiv, suav txog tej nyom uas xeeb txawm muaj; Cov qoob loo coj ua xoob ntoo, xws li ntoo paj rwb thiab cov nyom hav zoov (zam rau tej ntoo);
- Cob qoob loo uas cog rau hauv ib lub chaw twg, xws li chav chav nceb thiab chav cog paj ntoos;
- Tej hom qoob loo tshwj xeeb, xws li zib ntab thiab kua mev paum;
- Cov nplej oats raws dej hia txwv thiab cov nyom dej hia txwv;
- Quav ntsuas qab zib thiab tej quav ntsuas cog ua chiv;
- Tej qoob loo siv tsim ua khoom, suav txog tej qoob loo raug siv los tsim ua khoom muag los sis cog pub tsiaj siv quav tsiaj los tsim hluav siv, tsim hluav taws xob los sis tsim ua chiv;
- Tus nqi poob ntawm cov qoob loo, xws li tej qoob loo los yog tsiaj yug hauv dej, cov ntoos Khiv Xab Mav, tshuaj ntsuab, yub ntoo cog kom zoo nkauj thiab nyom; thiab
- Tej noob qoob loo uas npaj ua noob cog tseg muag ua noob rau kev cog qoob loo li hom qoob loo uas tsim nyog raug pab ntawm NAP.



Cov neeg ua qoob loo yuav tsum hu rau lub tuam txhab is saws las yog muaj lus nug ntsig txog is saws las ntawm ib hom qoob loo hauv lawv lub nroog. Rau cov ntaub ntawv tom ntej ntxiv seb hom qoob loo puas tsim nyog raug pab rau kev duav roos ntawm NAP, cov neeg ua qoob loo yuav tsum hu rau FSA lub tsev lis hauj lwm hauv lub nroog uas muaj lawv tej ntaub ntawv teev tseg txog kev ua qoob loo.

## Qhov Tsim Nyog Raug Pab Yog Dab Tsi?

### Qhov Ua Rau Puas Uas Tsim Nyog Raug Pab

Qhov ua rau puas uas tsim nyog raug pab muaj xws li tej kev puas tsujaj los ntawm ntuj tsim teb raug xws li nram qab no:

- Kev puas los ntawm huab cua, xws li ntuj qhuav, no ua rau muaj dej khov, los lawg, noo dhau lawm, muaj cuaj hlob heev los sis muaj hurricanes;
- Muaj tej kev puas tsujaj los ntawm ntuj tsim teb raug tsis zoo, xws li as qeeg los sis dej nyab; thiab
- Tej xwm txheej ntsig txog kev puas tsujaj los ntawm huab cua los sis tej kev tshwm sim tsis zoo los ntawm ntuj tsim teb raug, xws li kub heev, kab mob qoob loo, pa roob kub hnyiab (VOG) los sis muab kab noj qoob loo.

Kev puas tsujaj los ntawm huab cua los sis kev tshwm sim tsis zoo los ntawm ntuj tsim teb raug yuav tsum tshwm sim rau thaum lub sij hawm duav roos, ua ntej los sis thaum muab qoob loo, thiab yuav tsum cuam tshuam ncaj qha rau hom qoob loo uas tsim nyog raug pab.

## Nws Ua Hauj Lwm Li Cas

### Theem Pov Thaiv

NAP muab kev duav roos theem hauv paus qis kawg nkaus npaum li is saws las tiv thaiv kev puas tsuaj los ntawm huab cua phem ntuj tsim tseb raug, uas saib raws li qhov raug puas tsuaj tshaj 50 feem puas ntawm qhov xav tias yuav tau los ntawm kev tsim ua qoob loo rau ntawm 55 feem puas ntawm tus nqi nruab nrab hauv kiab khw rau hom qoob loo no. Txoj Cai Ua Qoob Loo 2018 rov tso cai dua txog theem duav roos siab dua los ntawm thaj tsam 50 txog 65 feem pua ntawm kev ua qoob loo, nce 5 feem pua, raws li tus nqi nruab nrab hauv kiab khw 100 feem pua. Kev duav roos ntxiv (yuav ntxiv) yuav tsum raug xaiv los ntawm tus neeg ua qoob loo raws li qhov kev thov kev pab kom tsis pub dhau hnub kaw. Cov neeg ua qoob loo uas xaiv kev duav roos ntxiv yuav tsum them tus nqi pab kas ntxiv rau tus nqi ntawd. Tej qoob loo uas yog tiaj nyom fwm tseg rau nuuj noj ces tsis tsim nyog rau qhov duav roos ntxiv no.

### Kev Thov rau Kev Duav Roos

Cov neeg ua qoob loo uas tsim nyog raug pab tuaj yeem thov kev duav roos tau los ntawm kev siv daim ntawv foos CCC-471, "Kev Thov rau Kev Duav Roos," thiab them tus nqi saib xyuas rau ntawm FSA chav lis hauj lwm uas lawv tej ntaub ntawv ua qoob loo raug teev tseg rau hauv. Cov neeg ua qoob loo uas txom nyem mas yuav tsim nyog raug pab rau qhov kev duav roos ntawm NAP rau thaum twg los xij uas muaj kev ua pov thawj CCC860 tiav lawm. Daim ntawv foos CCC-860 yuav tam rau qhov kev duav roos ntawm kev thov NAP. Yog tus neeg ua qoob loo xaiv tsis mus koom qhov khoos kas NAP, ces lawv yuav tsum txhob sau daim ntawv foos CCC-860.

Yuav tsum xa daim ntawv thov thiab cov nqi leg hauj lwm rau thaum hnub kaw thov kev pab. Hnub kaw thov kev pab mas yuav sib txawv raws hom qoob loo thiab raug teeb tsa los ntawm FSA Pawg Kws Saib Xyuas Hauv Xeev. Hu rau FSA lub tsev lis hauj lwm hauv koj ib cheeb tsam thiaj li paub hnub thov kev pab uas kaw.

Cov neeg ua qoob loo uas thov rau qhov kev duav roos ntawm NAP lees paub tias lawv twb tau txais Cov Hauv Paus Cai ntawm NAP, uas muaj nyob rau ntawm FSA lub tsev lis hauj lwm hauv ib cheeb tsam rau ntawm [fsa.usda.gov/nap](https://fsa.usda.gov/nap).

### Cov Nqi Lis Hauj Lwm thiab Nqi Pab Kas

Rau txhua theem dua roos, tus nqi lis hauj lwm ntawm NAP yog tsawg dua \$325 toj ib hom qoob loo los sis \$825 toj ib tus neeg ua qoob loo rau hauv ib lub cheeb tsam nroog, tab sis tsis tshaj tag nrho \$1,950 rau ib tug neeg ua qoob loo uas muaj txiaj ntsig rau ntawm ntau cheeb tsam nroog.

Cov neeg ua qoob loo uas xaiv theem duav roos siab dua kuj yuav tsum them tus nqi pab kas npaum li:

- Tus neeg ua qoob loo uas sib koom faib nrog hom qoob loo; sib ntxiv rau
- cov zauv ntawm cov av av kawj uas tau cog qoob loo; sib ntxiv rau
- Qhov tau qoob loo los toj ev kawj av uas raug pom zoo; sib ntxiv rau
- Theem duav roos; sib ntxiv rau
- Tus nqi kiab khw nruab nrab; sib ntxiv rau
- Tus nqi is saws las yog 5.25 feem pua.



Tus nqi rau tej qoob loo puas, cov nqi is saws las yuav raug xam los ntawm tus nqi siab tshaj plaws uas tau xaiv los ntawm tus neeg ua qoob loo rau daim ntawv foos CCC-471, "Kev Thov Kev Pab rau Kev Duav Roos."

Tus nqi is saws las siab tshaj plaws rau ib tug neeg los sis ib lub chaw uas NAP tau duav roos rau tus neeg ua qoob loo yog \$15,750 (tus nqi them siab tshaj plaws txwv txiav sib ntxiv rau 5.25 feem puas ntawm tus nqi is saws las) rau qhov kev thov kev pab kev duav roos qib hauv paus nkaus xwb. Yog hais tias tus neeg ua qoob loo uas NAP duav roos ntawd yog ib tug koom ua nrog, ces tus nqi pab kas uas siab kawg nkaus ntawd mas saib raws li cov neeg los sis cov chaw ntawm qhov sib koom ua ntawd. Cov neeg ua qoob loo los sis cov tu tsiaj uas yog cov nyuam qhuav pib ua, cov muaj peev tsawg, cov txom nyem thiab cov qub tub rog uas tsim nyog raug pab rau kev zam tsis tau them tus nqi leg hauj lwm thiab yuav tau txo tus nqi pab kas rau them li 50 feem pua rau thaum sau daim ntawv foos CCC-860, "Tus Neeg Ua Qoob Loo

los sis Tu Tsiaj Uas Yog Neeg Txom Nyem, Muaj Peev Tsawg, Qub Tub Rog, los sis Nyuam Qhuav Pib Ua." Yuav tsim nyog rau kev zam tug nqi leg hauj lwm los sis kev txo tus nqi pab kas rau, tus neeg ua qoob loo uas NAP duav roos lawm yuav tsum muaj ib qho tsim nyog raws li nram qab no:

**Tus neeg ua qoob loo los sis tu tsiaj uas nyuam qhuav pib ua –** ib tug neeg los sis ib lub chaw raug raws cai uas:

- Tsis tau ua ib daim teb los sis tu tsiaj los ntev txog 10 lub xyoo lawm; thiab
- Muaj feem koom thiab yog feem tseem ceeb rau hauv qhov kev nqis tes ua.

Rau cov chaw uas raug raws cai uas raug xam tias yog cov nyuam qhuav pib cog qoob loo, txhua tus tswv cuab yuav tsum yog koom roj koom ntshav los sis txij nkawm thiab yuav tsum yog cov cog qoob loo uas nyuam qhuav pib ua.

**Tus neeg ua qoob loo los sis tu tsiaj uas muaj peev tsawg –** ib tug neeg los sis ib lub chaw raug raws cai uas:

- Khwv nyiaj tau los tsis tshaj \$177,300 nyob rau hauv ob lub xyoo yuav tau them se ua ntej kom tiav ua ntej lub xyoo muaj khoos kas pab, mas yuav raug hloov kho tus nqi siab ntxiv rau cov xyoo tom qab ntawd vim tus nqi nyiaj poob qis; thiab
- Tsev neeg cov nyiaj khwv tau los tag nrho yog tau npaum los sis qis dua theem nyeem txom nyem ntawm lub teb chaws rau ib tsev neeg uas muaj plaub leeg, los sis tsawg dua 50 feem puas ntawm cov nyiaj khwv tau los ntawm yim neeg khwv tau nyiaj them pes nrab hauv ib cheeb tsam nroog rau ob lub xyoo ua ntej dhau los.

Tej zaum tus neeg ua qoob loo uas muaj peev tsawg yuav raug txiav txim raws li USDA **Qhov Twj Siv Txiav Txim Rau Yus Tus Kheej Hauv Oos Lais** txog Tus Neeg Ua Qoob Loo thiab Tu Tsiaj Uas Muaj Peev Tsawg. Lub tshuab no cia li xam thiab qhia tag nrho tej khoom muag toj xyoo thiab them siab zog ntawm them neeg txom nyem hauv lub teb chaws los sis cov nyiaj khwv tau los them pes nrab hauv ib cheeb tsam.

Rau cov chaw uas raug raws cai uas tab tom thov kom raug xam tias yog Tus Neeg Cog Qoob Loo los sis Tu Tsiaj Uas Tsis Txawm Peem Nyiaj Txiag, ces cov nyiaj muag khoom tau los tag nrho thiab yim neeg cov nyiaj khwv tau los yuav tsum raug muab los xam rau txhua tus tswv cuab.

**Tus neeg cog qoob loo los sis tu tsiaj uas txom nyem** – yog ib tug neeg cog qoob loo los sis tu tsiaj uas ib tug tswv cuab ntawm ib pawg neeg uas yog cov tswv cuab raug xam tias yog ib haiv neeg, haiv neeg tsawg los sis yog txiv neej los yog poj niam vim lawv tus yeeb yam ntawm lawv pawg tswv cuab yam tsis xav txog lawv tus kheej qhov tsim nyog li. Cov pab pawg neeg muaj xws li:

- Neeg Mes Kas Qhab los sis Neeg Xeeb Txawm Alaska;
- Neeg Es Xias los sis Neeg Meskas-Es Xias;
- Neeg Dub los sis Neeg As Fab Li Kas Mes Kas;
- Neeg Xeeb Txhawm Has Vais los sis Lwm Haiv Neeg Nyob Thooj Av Hauv Dej Hia Txwv;
- Neeg Hispanics; thiab
- Cov Poj Niam.

Cov chaw uas raug raws cai raug xam tias yog cov txom nyem, cov neeg feem coob uas yuav tau txais tej txiaj ntsig yuav tsum yog cov neeg uas txom nyem.

**Tus neeg ua qoob loo los sis tu tsiaj uas yog qub tub rog** – ib tug neeg ua qoob loo los sis tu tsiaj uas yog tus tau ua Tub Rog (raws li hais tseg rau hauv 38 U.S.C. 101) thiab yog tus:

- tsis tau ua ib daim teb los sis tu tsiaj los ntev txog 10 lub xyoo lawm, los sis
- xub tau qhov ua qub tub rog rau hauv lub sij hawm 10-lub xyoos tam sim no.

#### Lub Sij Hawm Kev Duav Roos

Lub sij hawm kev duav roos rau NAP mas sib txawv nce raws li hom qoob loo. Lub sij hawm kev duav roos rau ib hom qoob loo hauv ib lub xyoos puag ncig yuav pib tom qab ntawm:

- Hnub tom qab hnub thov kev duav roos thiab tau them tej nqi leg hauj lwm tag lawm; los sis
- Hnub cog qoob loo lawm (tsis tshaj hnub npaj cog qoob loo).

Lub sij hawm kev duav roos rau ib hom qoob loo hauv ib lub xyoos puag ncig yuav xaus ua ntej ntawm:

- Hnub muab qoob loo tiav;
- Hnub ib txwm muab hom qoob loo ntawd;
- Hnub tu tso tseg hom qoob loo; los sis
- Hnub tau muab daim teb rhuav tseg tag nrho lawm.

Lub sij hawm duav roos rau ib daim qoob loo uas cog tej yam qis qis, tsis yog cog zaub nyuj, nyuam qhuav pib tsis dhau 30 hnub tom qab hnub kaw thov kev pab thiab ua ntej hnub xaus ntawm:

- 10 lub hlis suav txij hnub kaw thov kev pab mus;
- Hnub muab qoob loo tiav;
- Hnub ib txwm muab hom qoob loo ntawd;
- Hnub tu tso tseg hom qoob loo; los sis
- Hnub tau muab daim teb rhuav tseg tag nrho lawm.

Hu rau FSA ib lub tsev lis hauj lwm hauv ib cheeb tsam yog xav paub tej ntaub ntawv hais txog lub sij hawm duav roos rau cov qoob loo cog zaub nyuj, cog tej qoob loo tuav rau hauv ib pug ncig kom zoo, cog tej yam qoob loo tshwj xeeb thiab tej qoob loo uas poob nqi.

#### Yuav Tsum Muaj Tej Ntaub Ntawv thiaj li Tseem Tsim Nyog rau NAP

Yuav tsim nyog rau qhov kev pab ntawm NAP, yuav tsum tau hais qhia tej av ua qoob loo raws li txuas mus ntxiv no:

- Tej npe ntawm yam qoob loo (zaub paj, taum, thiab lwm yam);
- Hom qoob loo (zaub qhwv, thaum liab, thiab lwm yam);
- Thaj chaw thiab daim av ntawm cov qoob loo (daim teb, daim teb ncaus, thiab lwm yam);
- Cov npe sib koom ua qoob loo ntawm lwm cov neeg cog qoob loo uas koom tau txiaj ntsig ntawm hom qoob loo no; Hom kev ua uas raug siv los cog yam qoob loo no (ywg dej los sis tsis ywj dej);
- Hnub tau cog qoob loo rau hauv txhua daim teb; thiab
- Lub hom phiaj yuav siv tej khoom qoob loo (siv nyoos, coj mus tsim ua, thiab lwm yam).

Cov neeg ua qoob loo yuav tsum hais qhia txog tej av cog qoob loo tom qab kiag cog tag (ua ntej lub caij yuav muaj kev puas tsuaj) thiaj li xam tias hais qha ncaiv sij hawm thiab tsis plam rau duav roos.

Ntxiv rau qhov no, cov neeg ua qoob loo uas muaj kev duav roos ntawm NAP yuav tsum muab tej ntaub ntawv kev tsim ua qoob loo xws li nram qab no qhia:

- Tag nrho tej qoob loo uas tau cog uas tus neeg ua qoob loo yuav tau txais txiaj ntsig rau thaum xyoo cim ua qoob loo;
- Kev muag tej qoob loo, xws li muag tau, muag tsis tau, tau nyiaj pab them rov qab rau los sis raug muab siv ua lwm yam sib txawv; thiab
- Tej ntaub ntawv teev tseg txog kev ua qoob loo uas kuaj xyuas tau los sis ntseeg tau (thaum FSA xav tau).

Thaum xav tau tej ntaub ntawv no, cov neeg ua qoob loo yuav tsum muab tej ntaub ntawv no ua kom FSA pawg saib xyuas hauv cheeb tsam nroog to taub yooj yim. Cov neeg ua qoob loo yuav tsum hu rau FSA lub tsev lis hauj lwm uas tuav lawv tej ntaub ntawv yog muaj lus nug txog tej ntaub ntawv kev tsim ua qoob loo uas kam lees txais seb yog hom twg.

Yog tsis hais qhia tej av thiab tej kev tsum ua qoob loo rau NAP-cov qoob loo duav roos ces yuav raug txo los sis tsis tau txais kev pab ib qho kiag li rau ntawm NAP. Yuav tsum paub tias kev hais qhia txog daim av thiab hnuv cog kawg mas yuav sib txawv raws hom qoob loo thiab raws ib cheeb tsam chaw.

Cov neeg ua qoob loo yuav tsum hu rau FSA lub tsev lis hauj lwm uas tuav lawv tej ntaub ntawv yog muaj lus nug txog tej ntaub ntawv ntsig txog kev hais qhia daim av hauv ib cheeb tsam thiab hnuv cog kawg. Rau tej tsiaj los sis qoob loo tu los cog hauv dej, thiab tej yub ntoo cog kom zoo nkauj, cov neeg ua qoob loo yuav tsum tuav tej ntaub ntawv teev tseg kom mus raws li cov qaum kev tsum ua khoom, suav txog tej khoom siv ua qoob loo txhua hnuv. Yuav tsum siv cov qauv cai ntawm kev hais qhia rau cov neeg tu ntab thiab cov neeg cog ntoos Khiv Xab Mav, cog nyom, cov ntoo mev paum, cog nceb, cog tshuaj ntsuab thiab cog noob zaub nyuj muag. Cov neeg ua qoob loo yuav tsum hu rau FSA lub tsev lis hauj lwm uas tuav lawv tej ntaub ntawv ntsig txog rau cov qauv cai no.

## Kev Hais Qhia Daim Teb thiab Kev Tsim Ua Qoob Loo

FSA siv tej ntaub ntawv hais qhia txog daim teb los mus teev tseg txog thaj chaw thiab cov av uas raug duav roos raws li daim ntawv thov kev pab. Tej ntaub ntawv hais qhia txog daim av thiab kev tsum khoom qoob loo mas raug siv los mus xam rau cov qoob loo uas yuav tau los (tau kwv yees qhov yuav tau qoob loo ntawm xyoo ua qoob loo ntawd). Qhov yuav tau qoob loo los uas raug pom zoo ntawd yog ib qho nruab nrab uas raug xam raws li tus neeg ua qoob loo tej qoob loo tau los kiag hauv yav dhau los (APH) rau hauv lub sij hawm tsawg kawg ntawm 4 lub xyoo mus txog tsis tshaj 10 lub xyoo (5 xyoo rau cov txiv ev paum thiab txiv duaj). Yuam xav tus nqi ntawm APH, FSA yuav faib tus neeg ua qoob loo tej kev tsum ua qoob loo tag nrho raws li tus neeg ua qoob loo daim teb.

Qhov qoob loo tau los uas raug pom zoo ntawm ib tug neeg ua qoob loo tej zaum yuav raug xam los ntawm kev siv qhov qoob loo tau los uas raug txo ntawd lawm yog tias tus neeg ua qoob loo tsis hais qhia kev tsum ua hom qoob loo no tias muaj kev duav roos ntawm NAP, los sis hais qhia tsawg dua 4 lub xyoo ntawm kev tsum ua qoob loo.

## Kev Muab Kev Ceeb Toom txog Yam Puas Tsuj thiab Kev Them rau Cov Nyiaj Pab

Thaum raug cuam tshuam rau ib hom qoob loo los sis kev cog qoob loo los ntawm ntuj tsum teb raug, cov neeg ua qoob loo uas muaj kev duav roos los ntawm NAP yuav tsum ceeb toom rau FSA lub tsev lis hauj lwm uas tuav lawv tej ntaub ntawv tseg thiab sau rau daim ntawv foos CCC-576 Phaj B kom tiav (feem Ceeb Toom txog Kev Puas), "Ceeb Toom txog Kev Puas thiab Kev Thov rau Cov Nyiaj Pab." Yuav tsum sau kom tiav tsis pub dhau hauv 15 hnuv ua ntej ntawm:

- Ib qho kev tshwm sim kev puas tsuaj los ntawm ntuj tsum teb raug;
- Hnuv npaj cog qoob loo kawg yog tau ua rau tsis tau cog vim los ntawm ib qho kev puas tsuaj ntuj tsum teb raug;
- Hnuv uas ua puas tsuaj rau qoob loo los sis ua rau kev tsum ua qoob loo puas; los sis
- Hnuv ib txwm muab qoob loo

Cov neeg ua qoob loo uas siv tes muab qoob loo yog yam qoob loo lwj tau sai ces yuav tsum ceeb toom mus rau FSA kom tsis pub dhau 72 teev thaum pom muaj kev puas tsuaj. Cov qoob loo uas nce raws li cov qauv cai no yuav tsum muaj nyob rau hauv NAP Cov Hauv Paus Cai lawm.

Yuav tau txais cov nyiaj pab ntawm NAP, cov neeg ua qoob loo yuav tsum sau daim ntawv foos CCC-576 kom tiav, (Ceeb Toom txog Kev Puas thiab Kev Thov rau Cov Nyiaj Pab," Phaj D, E, F thiab G, raws li qhov tsum nyog kom tsis pub dhau 60 hnuv suav txij hnuv kawg ntawm kev duav roos rau lub xyoo tsum ua qoob loo mus rau feem saib xyuas qhov duav roos ntawm NAP. Daim ntawv foos CCC-576 yog xav tau tej ntaub ntawv tshuaj ntsuam xyuas uas kam lees txais.

Cov neeg ua qoob loo yuav tsum npaj tej yam ua pov thawj ntawm kev tsum ua qoob loo thiab tej ntaub ntawv sau tseg tseg qhov tau muag, tsis tau muag, tej kev puas tsuaj los sis qhov raug siv sib txawv mus lwm yam.

## Feem Teeb Tsa ib Feem Ntawm NAP

Ib feem ntawm NAP muaj tag nrho tej teb uas tsum nyog raug pab uas nyob rau hauv ib cheeb tsam nroog uas tus neeg ua qoob loo muaj ib hom qoob loo yuav tau txais txiaj ntsig rau hauv. Ib hom qoob loo yuav tau txais txiaj ntsig yog:

- tau txais txiaj ntsig 100 feem pua; los sis
- Sib koom txais tej txiaj ntsig nroog lwm tus neeg ua qoob loo.

## Tej Ntaub Ntawv Uas FSA Siv los mus Xam Cov Nyiaj Them

Cov nyiaj pab ntawm NAP raug zam los ntawm qhov kev siv:

- Daim teb ua qoob loo;
- Qhov tau qoob loo los uas raug pom zoo;
- Qhov tsum qoob loo tau los tag nrho;
- Them duav roos uas raug xaiv los ntawm tus neeg ua qoob loo;
- Ib tug nqi nruab nrab hauv kiab khw rau hom khoom qoob loo uas raug teeb tsa los ntawm FSA pawg kws saib xyuas hauv lub xeev; thiab
- Ib feem uas siv rau kev them raws li tus nqi raug poob qis rau hauv zeeg tsum ua qoob loo rau cov qoob loo uas tsis tau hlais qoob loo los sis ua rau tsis tau cog qoob loo.

Rau tus nqi poob ntawm cov qoob loo uas muaj kev duav roos ntxiv, cov nyiaj pab no raug xam los ntawm kev siv tus nqi tsawg dua ntawm daim teb qoob loo ua ntej yuav muaj kev puas tsuaj los sis siv tus nqi siab tshaj plaws raws li tus neeg ua qoob loo tau thov dua roos rau thaum lub sij hawm thov kev pab.

## Yog Xav Paub Tej Ntaub Ntawv Ntau Ntxiv

Daim ntawv qhia qhov tseeb no yog tsuas muaj tej ntaub ntawv uas tsis raws txheej txheem xwb; tej zaum lwm cov qauv cai los sis tej kev txwv txiaj tseem yuav siv tau thiab. Yog xav paub ntau ntxiv txog FSA cov khoos kas pab kev puas tsuaj, saib hauv [farmers.gov](https://farmers.gov) los sis tiv toj rau FSA lub tsev lis hauj lwm hauv koj ib cheeb tsam. Yuav nrhiav FSA lub tsev lis hauj lwm hauv koj ib cheeb tsam, saib hauv [farmers.gov/service-center-locator](https://farmers.gov/service-center-locator).